



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 90. Quorumdam Scriptorum Catholicorum obitus & opera.

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

Sæc. XVII. Perutilem quoque operam Ferdinandus
A. C. 1661. do II. Cæsari in exequendo edicto
 restituendis Ecclesiasticorum bonis præ-
 vavit, & quadraginta sex Ecclesiarum
 Catholicis reddidit. Anno autem huius
 sæculi quadagesimo nono Ratisbonensis
 Episcopus nominatus, multa ovium
 suarum millia ad Catholicæ Ecclesie
 ovile reduxit; quanta demum
 tam in Verdensi, quam in Osnabrugensi
 & Ratisbonensi Diæcesi in Catholicorum
 commodum dignissimus hic Præsul
 egerit, vincit magnitudo sermonem,
 copia calamus, & recordatio ac narra-
 tio pene fidem: tandem Alexander VII.
 Pontifex tantum ac talem Virum de
 Republica Christiana optime merito
 anno priori Romana decoravit purpura,
 quam tamen hoc adhuc anno unacum
 vita exiit, postquam annum sexagesimum
 octavum ætatis suæ jamjam compleverat:
 successerat eidem juxta Monasteriensis
 pacis leges in Episcopatus possessione
 Ernestus Augustus Princeps A Catholicus
 ex familia Brunsvico - Luneburgica.

§. XC.

*Quorundam Scriptorum Catholicorum
 obitus & opera.*

Inter

Inter Scriptores religione Catholicos, Sæc. XVII.
 qui hoc anno mortalitatem exue- A. C. 1661.
 runt, facile princeps est Lucas Holstei-
 nius, Vir in omni eruditionis genere Pope censè
 cel. Auth.
 Nicéron not.
 erud. t. 19.
 pag. 30.
 Dupin Bibl.
 des Auth.
 Eccl. t. 17.
 clarissimus, qui ejurato Calvinii errore
 ad fidem Catholicum reversus Vaticanæ
 Bibliothecæ præficietur, atque ab
 Alexandro VII. Papa Christianæ Sueco-
 rum Reginæ ad fines usque Germa-
 niæ obviam missus fuerat. Scripsit e-
 mendationem in Eusebii librum contra
 Hieroclem, notas in Geographiam sa-
 cram Caroli a S. Paulo, dissertationes
 de Concilio Nicæno, annotationes in
 annales Baronii, & adversus Conci-
 lium Basileense, Codicem regularum
 Monasticarum, testimonium adversus
 Gersenitas pro Thoma a Kempis, col-
 lectionem veterum Ecclesiæ monumen-
 torum, Anastasii homilias, epistolam
 de usitata Abassinis communione sub
 unica specie, aliam de Sabbatico flu-
 mine & nonnulla alia. Obiit tandem
 Romæ die secunda Februarii. Alter e-
 rat Petrus de Reyna Episcopus ad S.
 Jacobum de Cuba, qui edidit summam
 de Sacramentis tam pro ordinatis, quam
 ordinandis, & tractatum de perfecto
 Prælato. III. Hieronymus Vignier,
 qui ex Calvinii castris ad Romanæ Ec-
 clesiæ gremium confugiens, atque Pa-
 trum Oratorii Institutum professus, in
 colli-

Sæc. XVII. colligendis veterum Codicibus & ms
A. C. 1661. mismatibus non minus indefessus
 quam felix fuerat: reperit quoque Venetiis ineditum S. Fulgentii scriptum quod summo labore descripsit, simulque duo sancti Augustini volumina apud Claravallenses detexit, quæ, cum hæctenus nondum edita fuissent, unicum Evangelistarum concordantia prelo subjecit: Decessit Parisiis die decima quarta Novembris: Reliquit plurima manuscripta, quæ in Seminario ad S. Maglorium asservantur. IV. Didacus Garzia de Trasmiera Senticanus Episcopus, qui posteris reliquit libros tres de Polygamia, & Polyviria, simulculum fidei, seu de obligatione revelandi hæreticos, & de hæresi suspectos, necnon tractatum de correctione fraterna. V. Didacus Celada Jesuita, qui typis vulgavit sex tomos in Scripturam Sacram. VI. Franciscus Baudus itidem Socius edidit disputationes morales de conscientia, quæstiones ex Theologia morali, & commentaria in Regulas Juris Canonici. VII. Seraphinus a S. Theresia Carmelita Excalceatus, scripsit victricis gratiæ triumphum de prostrata scientia media, expositionem dogmaticam in epistolas ad Romanos, & Hebræos, necnon in decem S. Pauli epistolas, varios tractatus

Theo-

Theologicos contra Jansenistas, Dissertationem de cognitione futurorum contingentium, & de necessitate motionis Divinæ ad agendum requisitæ.

Sæc. XVII.
A. C. 1661.

§. XCI.

Scriptores A catholici hoc anno denati.

Obiere hoc anno ex Scriptoribus Aca-
tholicis nonnulli, quorum lucubrations recensere, operæ pretium est: Hos inter primus occurrit Joannes Hulfemannus, qui in Colloquio Thoriensi titulum: *Admodum reverendi, ambiens, Calvinianam confessionem ibidem oblatam refutavit: scripsit etiam commentaria in Libros V. Moysis, in Vetus Testamentum, in Jeremiam, & Ezechielem, necnon in librum concordie præter plurima alia opuscula contra Calvinistas & Catholicos edita.* II. Joannes Schüppius prælo subjecit suam cynosuram temporum, & Sceleton chronologi. III. Laurentius Bodochius Apostata, qui sese genuinum Lutheri discipulum comprobaturus, horrenda in Pontifices convitia mendaci calamo effudit, ediditque librum, cui titulus: *execrandum Papæ Romani Anti-Christi revelati genium, & augustissima B. Lutheri virtus*
Hist. Eccles. Tom. LXII. U u Es

Weisman.
introd. ad
Hist. p. 1139.
Freher
Theatr. E-
rud.